


善通書信大全



分類

普通書信大全

鐵冷新著

民國十二年四月一號出版

所有權
必究
翻印

普通書信大全

本裝二冊定價六角

精裝一冊定價八角

著者 古邗鐵冷

校閱者 白田楚聲

印行者 崇新書局
上海老西門冬青
園路廿五號門牌

印刷者 國光書局
六馬路東新橋吉慶坊

電話中央七一四三號

總經售處 上海四馬路
廣州雙門底 崇文書局

男用 女用 普通書信大全 三卷

古邗劉鐵冷著

●拒卻類

拒絕擔保

某某世兄青睞昨接

惠言藉悉受聘某行頗爲忻慰惟以保證一事委及鄙人回溯交情豈堪推諉實自今春病後年老心勞將從前所作保人一律取銷聲明各報明知開罪親友近於不情而暮歲偷閒幸都相諒今若再爲馮婦得免反唇之譏乎

世兄莫達還盼鑒原復聞

近綏

世弟某某敬復

拒絕參觀

某某先生尊鑒。昨誦。

手教。藻飾有加。敝校新舍落成。尙需時日。近則量沙輦石。邪許載途。諸生局促一隅。頗慚譴陋。

貴同人卽勞下顧。微特泥滯。舉步維艱。而招待不周。未免益增舛憾。且俟菊花天氣。折柬相招。屆時還盼。惠臨。藉資指導。特此預約。卽頌。

道祺。

某某謹啓

拒絕賄賂

某兄如晤。辱承。

雅意。惠及清寒。某豈處脂不潤耶。惟是一官匏繫。報稱毫無。若

欲額外取。盈如負國。何如負親。何秉性素迂。尙希我兄垂諒。原璧奉趙。當誓祕也。復問。

台祺。

弟某白

拒絕婚姻

某某先生道鑒。有勞。

月老寵賁。

冰言某公。敷歷宦途。其文郎亦。曩宮聲雋。高門王謝。忻羨萬分。惟小女。裙布荆釵。未足。頡頑貴介。且年纔三五。儘可從容。近來肄業校中。正圖進步。若貿然受聘。則于歸期至。不免輟學半塗矣。善爲我辭。無任佇盼。專復藉頌。

鼎祺。

晚某某謹上

拒絕納妾

某某老哥大鑒。伯道無兒。自悲命薄。豈真老蚌無明珠耶。敦勸納妾。原屬無傷。大雅然白頭夫婦。因此反起參商。殊無謂也。況社會以多妻爲戒。年華半百。何必惹人貽笑。昔人詩云。我已輕舟將出世。得卿來作挂帆人。三復斯言。何如容與中流。得少佳趣之爲愈乎。

哥當領之言。不盡意。伏候

亮鑒。並問

吟安。

弟某某謹答

拒絕鬻婢

某某姻姊大鑒。吾鄉舊俗相沿。蓄婢女郎。驕惰依婢爲生。無論箕帚鹽櫛之需。非婢莫能舉動。卽鍼黹諸務。皆婢爲之。此女界之障也。至於詈責箠楚。慘不忍聞。時過標梅。又往往嫁不得所。誰非人子。蹂躪如斯。近來階級剷除。豈宜再蹈故轍。承教極感。惟恐有妨人道。是以不克遵從。吾姊夙號文明。亦不妨互相提倡也。此致卽問
聞祉。

愚妹某某拜上

拒絕挪款

某某如楮握手。十年舊誼。儘可分金。無待殷殷諄囑也。奈自入秋以後。市面日疲。勉強支持。已成弩末。年闌歲逼。需解行款。若干涸鮒。不蘇正深。焦急不意。

棣。憐。同。病。亦。思。分。潤。斗。升。自。顧。不。遑。礙。難。遵。
令。爲。時。無。幾。謹。請。別。圖。預。復。卽。頌。
歲。祺。

如仲某某啓

拒絕借物

某某如棠垂鑒。車馬輕裘。友朋與共。弟非靳而不予也。昨蒙
示及。某日需用禮服。適弟亦以外家嘉禮。應往道賀。凡屬山荆。
稚子。無不相率而行。大部數日。盤桓始可返舍。此外家無長物。
深愧不能報。

命諺云。好日多同。還乞。

諒之。崑復卽頌。

儷祉。

如弟某某上言

却還壽禮

某某賢弟如握堯洪湯旱。醫集一時。稍有人心。能無惻隱。秋間五十初度。辱承戚鄰遠道貽賤。自愧弄筆半生。內無餘蓄。時藉蒿目無力匡襄。是以集合筵貲。慨捐助賑。而親朋厚貺。亦屬獲福之資。特令分解。仁囊用充善舉。吾弟隆情稠疊。未敢拜嘉。倘以兄意爲然。卽請寄交某局。茲特璧謝。還望諒之。專頌雙綏。

兄某謹拜

却還喜儀

某某先生執事。家貧親老。勉力結稿。當時請假還鄉。曾不敢妄。

塵。尊聽不意。同人厚愛遠道。貽將鄭重。開緘爲之汗下。與其受之有愧。違顧却之不恭。謹將原件交郵。尙祈分致月圓以後。卽當束裝諸務。偏勞再容。晤謝此復。專頌公禧。

弟某謝啓

却還聘書

某某仁兄惠鑒。襖被出都十年。塵夢山雲。稚子久守田園矣。我兄風虎雲龍。得膺特達。猶復倦懷故舊。許借一枝。自問衰病相循。不再作出山之計。況欲峨

眉重畫難入時粧。是以有負。
隆情願安初服。聘書附璧。殊覺歉然。他日兒輩長成。仍望
吹噓。一一崑辭並謝。敬頌
鈞綏。

弟某某頓啓

却還乾脩

某某賢弟如晤。河陽百里臥聽。
循聲不覺蹲蹲起舞矣。昨荷
手書存問。媵以墨銀。藉悉
起居。更爲忻慰。惟兄自歸田以後。久已混迹漁樵。雨笠煙蓑。尙
堪自給。承分
清俸。徒誚素餐。用特封還。俾恤寒峻。希

檢存之。撫字催科。諸惟加慎。肅此志謝。並問
政綏。

兄某手泐

轉圓類

辭職轉圓

某某我師台鑒。昨奉

教言。委曲周摯。豈以氈寒似水。輜褕
高賢耶。抑以豚犬無知。引爲

門牆之辱耶。某以世風澆薄。願後輩趨步

老成。乃竟棄之如遺。未免嗒焉氣喪。尙乞重尋舊轍。

俯賜提撕。倘進寸階。不忘所報。濡毫迫切。藉敏

道祺。

教弟某敬肅

拆股轉圓

某兄侍右夷吾鮑叔共事有年何兄判襁之易耶廠中諸務悉賴

維持一旦勞燕分飛弟亦難擎獨柱際此營業恢復正待籌畫進行奈以小嫌遽墮大體殊與彼此舊誼聯帶損傷昨託某君轉達情形諒蒙俯采以後當互相輔助不使媒孽者有所藉口可也專此代意即頌時祺

弟某頓上

爭產轉圓

某某世兄足下葛藟庇根況在同族偶因細故致起參商甚無

謂也。某產知係公有。雖某房輾轉抵押。至背族規。而其時貧病相兼。實亦勢非獲已。今則幡然愧悔。甚願完璧持歸。惟子母互權。約須毛詩一部。某房當力籌半數。先與受主籌商。餘望貴族釀成庶幾。一勞永逸。上恢祖業。下恤宗支。惟世兄圖焉。此致卽詢侍祺。

世弟某白

鬪毆轉圖

某某老兄大鑒。酒闌歌闌。一怒磨肱。此燕趙健兒好身手也。南方之強。不報無道。不意我兄亦輕於宣戰。勝之不武。不勝爲笑。抑何自苦。乃爾水流花放。往事都非。自無庸因此介介。某君訂於某日爲我。

兄張筵謝過雪消冰釋

雅量如斯能

採芻蕘益見坦白崑問

時吉

弟某某謹言

口角轉圓

某弟英盼詞鋒犀利屢憎於人少年人最宜殷鑒也某君意氣過甚而吾

弟適當其衝情固難堪心猶可恕與其狃狃相問報以惡聲彼此尋釁何時能已不若吾

弟處以大度一笑置之某君現已自覺當令負荊請罪藉釋前嫌尙希

俯允爲盼。此致卽問。

刻祉。

兄某某言

訴訟轉圜

某某尊兄惠鑒。某君負約致啓爭端。

兄可謂仁至義盡矣。第念某君清況確係莫展。一籌雖經展緩。再三而巧婦難炊。徒呼負負。

兄之援例起訴。豈曰過當。然官侵吏蝕。種種需貲。與其虛牝黃金。依然畫餅。無甯使調人起而負責。乎分期拔本。情理難辭。量力盡心。願聞。

台命並頌。

時綏。

弟某某貢言